

謙齋詩集

01916



謙齋詩集卷之二

蕭山蔡仲光大敬甫撰

族裔

震甲雲士編

應鳳小汀梓

七言古詩二

沈和承持其影障邀予題予允之而未題也秋夜悵  
然有懷作此以寄沈禾中人故有落句

昨從粉素窺玉貌逸致翩翩真年少今夜懷君猶未眠月  
明前浦遠橫烟思君忽在丹青裏彩雲片片秋風起願折  
西施溪上花遙種范蠡湖頭水

木槿花歌

謙齋詩集

卷三

朝花開何繁日暮盡零落一夜西風捲碧雲曉起霜花滿  
地薄壯年不飲酒毛髮日差差烏鳥樂曠野到處亂相啼  
翻飛歸故國誰爲丁令威三山隔海不可渡荒塚纍纍滿  
郊路人生但如木槿花布衣粗糲長咨嗟

鏡聽詞

美人躡履心躊躇手持明鏡告庖厨玉顏零落將焉如天  
風吹人步州閭男兒一去幾千里馬蹄何山浮何水劍閣  
盤江行未歸南隣北巷聽無已當街獨立影傍徨明星照  
人光不長羅裙春近寬無力銅鏡寒深暗愈傷幾家門戶  
靜悄悄何人肯道歸來好含情四顧夜何其轉入璇房人



用老

春雪歌

錢塘江上三月雪飄飄自與花飛別江邊老人心獨愁上  
已江花已盡抽孤城荒戍千椎鼓慘淡雲中急雪舞江岸  
橫奔伍員潮柴門深閉袁安堵春條踈地不易折白雪紅  
桃相間設涓曲春光愜性情梁園夜景搖魂魄此間風味  
何人知鞦韆陌上影翻飛懷春女子情回移杳杳東風日  
暮吹四壁紛糝攪亂絲浮光不避艷陽時蒼茫夜望無端  
倪老人排雪成歌歌未已雪裏桃花落江水

把酒對月

謙齋詩集

卷三

二

捲簾夜月秋相向把酒何能不侷儻蚤聲唧唧土牆間露  
氣泠泠秋草上我欲攀月月輪高烏棲欲啼風蕭蕭我不  
攀月月侵衣攬之盈掌光愈微幾回隨月侍月側揚輝恐  
照衰顏色渺渺白雲掩卻月散髮林泉興不發愛月望月  
有餘思黃葉蒼苔滿目悲其道昊天漫浩浩何爲夜魄有  
盈虧

秋夜送張月使之楚

孤帆夜照一江水壯懷落落秋風裏手提長劍摩挲立空  
庭起舞中心惻樹杪棲禽燭至飛草根滴露衣飄溼城西  
有古渡不盡行人路送子臨江臯酒在杯中搖酌酒狂歌

共傾倒丈夫身走萬里道西陵峽口水波駛鸚鵡洲前木  
葉少臨風悵然贈遠遊桂擢蘭橈黃鶴樓渺渺虛堂悲靜  
夜離離素髮颯高秋

閏七夕牛女歌

織女臨河秋望殷盈盈寶屨限河干香薰五木裁阿錫枝  
折九花繞翠鈿今年曾渡水清淺乍合還離淚嘗滿滔滔  
碧浪駛流津歲歲黃姑隔漢春徒憐雲幄牽車返詎識霓  
裳掛淚頻秉杼紋窗聲索莫七襄未就終宵作躡蹻身搖  
翡翠衣度梭指露金銀約一年一會欲如何貝轂何期得  
再過填河依舊飛烏鵲橋成雙聚恣歡謔何須錦字表心  
謙齋詩集

卷三

三

情昨夜緘愁今復平珠櫳夜月規仍半角枕秋風氣漸清  
繡帳款情知不久乍離忽合恩何厚引絲伏兔暫停機飲  
渚牽牛還繫柳隔月一宵天上稀茫茫人世會無期願將  
消息傳人世八月乘槎帶石歸

西江塘張神祠前翫月懷姜桐音

張神祠前江月曉連綿古塘風嫋嫋淡淡晴波轉布帆童  
童獨樹驚棲鳥欲向雷門夜擊鼓照龜之山醉起舞浩歌  
一曲乘興難懷君不見憂思苦

隔歲復至西江塘祠前翫月有懷桐音

昨歲懷君此祠側滔滔白浪月轉碧今來翫月水如羅流

影浮天夜色多古祠無隣曲江瀉桂月一輪懸中夜滿隄  
涼浸動幽襟烟寒沙白涵月深江魚盈尺不受釣百里音  
書那得到射浦離卬夜望迷蕙纒莖帶秋懷杳西風徐來  
流白雲澄江對月又思君

春暮過飲志雪堂是日暢觀史禹州書畫杯硯劒琴

諸古物

孔融薦禰衡表志  
懷霜雪堂取諸此

近郊何處風氣嘉西村一徑盡桑麻杖履相攜有元朗知  
予夙昔痾烟霞我來正值三月晚罌粟滿畦葢婉婉輕絲  
曳日雲影移灌莽陰陰布穀飛願邀春風入園住白石紅  
魚一延顧主人愛我清狂久坐我白石飲我酒金題玉躑

謙齋詩集

卷三

四

我盡觀寶劍瑤琴誰所有春深無處覓霏紅滿堂青翠撲  
兩肘聲迷乳鳥度牆啼影落飛仙入池走昔見禹州年未  
婚今來令子二十九况復世事數遷移我顏那不成老醜  
顧思爾家炎可熟年少何爲志霜雪正平傲骨自天生春  
風何暄雪已冽靈禽新賦樽前敏刺字舊書懷裏滅翮然  
此子志不屑末契千年誰締結門前流水春決決好瀉胸  
懷繼前哲

壽趙母

流霞誰挹滿仙厨雲錦何能裁作襦謾道孀居健持戶未  
亡人戶難維圖女子有身奮自礪生貧且賤義何害機斷

冰絲耀辟雍釵寒烏鵲映旆旆願挹流霞飲玉妃願裁雲  
錦身爲披百年好課丹芝熟永夜愁歌黃鵠棲黃鵠單飛  
不雙宿東征惟與子相逐日月不居去何速倏爾蘭堂披  
綺縠一堂簫鼓上醺醪繩繩孫子繞滿屋噫吁噫憶昔困  
阨身難持羨爾華門貧賤情不移

馬草行

露結地上霜風動江中水烏號絙冷壁剪剔弄馬背關塞  
鐵爲衣江南人亂啼昨暮軍書至寒蓬滿徑飛軍書奇字  
飛雲烟遙遙直下千里傳百姓竈冷壁不全蕭條四望涕  
泣連木實草根不下咽猶使腰鎌相周旋况遭鼎革亂初  
謙齋詩集 卷三 五

定史胥橫索賂十千父老目驚情苦畏私誦役書有條鞭  
長官呼叱不敢對含淚哽咽心自煎執符使者弓刀懸短  
衣露紵何躡躑入縣坐地醉而怒口齒斷斷如涌泉瘡病  
驅來不見憐推車顧影呼蒼天荆棘叢生室已罄何能剗  
肉獻金錢

丹楓行

江路雨晴山歷歷千峯秀色雨爲滌丹楓翠柏映參差遙  
望崇岡如複壁何人結廬山水間窟室層巘清且閒云何  
抱甕灌一圃山中偕隱共爲伍飄然采藥過訪求荷衣蕙  
帶日悠悠諸子澹然皆靜退知予耿介寡交遊何期一日

林泉致西風便已驚波至嶠前落葉暮紛紛雲裏飛帆秋  
裔裔痛惜當年此地兵羽葆旗旛孰不驚鐵馬盤旋難稱  
意角中瞻眺自含情興發那愁時不偶雕盤酬爵未盈口  
但聽吳歛高邊雲何須楚舞低縈柳花盈山郭莫辭貧繚  
戾秋光幾負薪對客壺觴客酪酌背山野館山嶙峋身隱  
無檢興何極關河一望淚沾臆夙昔高陽梁父吟矯首亭  
高惟篋策

牛角三尺三寸歌

吳越旣經兵革阻復叢荆棘衰禾黍一朝軍帖滿江飛網  
牛取角官令汝秋夜野寒天雨霜截角三尺三寸長兩角  
謙齋詩集 卷三 六  
價與一牛比此豈吾地所能詳老牛服輓角苦鈍穉牛抵  
牆角苦嫩戴角食野三尺稀又况所爭復三寸亂裏弓人  
造若何漆絲筋角取材多可憐富人抱角送可憐貧人扣  
角歌

其二

吾地舊傳叢竹賤園重疎節可爲箭遭逢太平三百年曾  
無伐矢來郡縣及今射者削蒲楊又援牛角較短長李牧  
昔椎以饗士所餘瘦瘠大如羊隔江軍帖官來取截角量  
長輸幕府誰問條鞭有役書歛增常例盈庾釜赫赫峻令  
下如何折蘆夕吹愁孔多英雄伏莽盡雄視西南萬里銀

鷓鴣至引弓設弩射轅門處處狐鳴燧滿邨麋筋魚膠燕地  
角身微失攄夢難騫

同客夜到湘湖之泚因寄宿田家

昔來此地依山隱滿地干戈心自晒懸火帆檣渡影微攄  
鞍筆策吹聲近今來一徑草木枯蕭颯涼風桂魄舒野塢  
雞豚納稼畢竹扉楓柏飯牛餘青絲買酒衣瀟灑爲君一  
曲淚盈把主人自是野田翁坐客誰爲擊筑者人生有懷  
不自吐夙昔與君共環堵但把鋤犁南畝荒誰揮劍器中  
宵舞滿眼霜華接地飛泠泠湖水野鳧啼燈前盤榻催銀  
箭渡口雲沙浴鐵衣感時撫事增浩嘆願得與君長相見

謙齋詩集

卷三

七

野人年歲莫蹉跎夜山村明月多

鴻門行

大蛇中分烽火作芒碭之山雲爲幕引兵十萬義與扶約  
法三章恩豈薄項羽嘔嘔非帝王范增奇計欲相傷氣騰  
霸上成龍虎玦舉鴻門會酒漿軍中咸起拔劍舞擁盾何  
人力如虎初思玉帛解興戎還爲壺觴變刀俎秦人宮闕  
滿關中三月阿房夜火紅四海爲家原浩蕩沐猴衣繡遂  
還東帝王大度豈能假暗啞叱咤何爲者挺身攻取滅遺  
民治酒爭權在天下因今憶古情自痛漢王楚王恩義重  
南方戰士甲生蟻東海書生懷有頌漢女江妃夜月妍畫

旂雲罕秋風動願倩萍號灑路塵兵戈不向天潢用

梅花行

東風習習吹梅樹幽谷無人結影素霏霏春滿江南路平  
沙古道長青苔宛轉香風拂幔來春到江南先著梅芳姿  
疑是冰雪斲手樹粉葩看浣濯草屋流泉烟漠漠光含翠  
巘幾登臨摘蕊看花插滿襟心神岑寂相視深皇天惜花  
春不雨搖風蕩日花氣吐重閨妖冶歌舞顧瞻籬落幽  
灑灑悠悠之懷繫其下一曲瑤琴淡林野邱壑非期免寂  
寥謂有繁榮是故要將花作伴衣飄飄獨抱深情難自剖  
願折花枝當瓊玖遠道相思可寄否渺渺雲中雁北飛獨  
謙齋詩集 卷三 八

立江臯悵望時風吹花片墮參差

前四明山歌弔王翊

四明之山一何高暴風卒起折旌旄芙蓉峰頭漢隸古王  
子聚甲入爲伍大者英邁不可倫小者精悍善拊軍幾回  
上山復下海裘裏中路身就逮小者異地不相遭大者受  
劫典益豪吟筓列柵身難奮其氣彌厲色彌忿瞠然直視  
意不測但問何人能報國嗟哉此人死何賢曠目詬罵後  
皆傳四明鬼窟空復高倉卒防身失孟勞四明遂遂空復  
遠夢決不開車繞憶我憐此人臂已破我憐此人志不挫  
獻俘轅門如獻虎氣與四明相終古甲士夾門執齊斧旌

旗繞營伐鼉鼓中有大人席布地錦衣列坐咸外視眇然  
一夫繫以來顧盼不懼情何肆從容舉手拂箭笑烈士至  
死心不悼我憐此人爲國亡當時意氣何揚揚嗟哉此人  
死何賢曠目詬詈後皆傳

雲士附註俞忠孫祖臣越殉義傳王翊字完勳別字篤  
庵餘姚諸生贊熊汝霖起義歷官兵部職方司郎中錢  
塘兵潰遁居四明山部數萬人為聲援計監國駐舟山  
遙授兵部尚書兼僉都御史督兵五年戰輒勝順治辛  
卯六月大兵至率數十人將走天台至奉化之小晦  
亭居民縛以獻翊聲色慷慨自語生俱被執不屈死  
作絕命詩四章聞弟某與故幕諸生俱從容就磔懸首  
是真不負完勳家史桎梏口爲文以祭從容就磔懸首  
西門諸生沈質先謀於陸春明范香谷邀奉化諸生江  
虬龍詐爲夜巡者竊首歸葬方翊被縛有三門者從麾  
之去不肯臨刑固山某以冊無名縱使去復不肯竟與  
翊同死翊殉義後女年十三字黃百學未歸爲營將所

謙齋詩集

卷三

九

掠有劉弁欲娶之奪劍自刎弁高其義以劍殉葬又黃  
梨洲南雷文案載竊王翊頭係陸周明毛明山與詐爲  
夜巡之說異又舟山殉義錄載翊縛至蛟關傲睨  
不屈叢射之洞胷者三屹立如故斧其首始仆

後四明山歌弔王江

四明之山徧刀俎建旂何人此中處獨行仗劍我何之烈  
士縈懷不盡時一夜西風捲蓬起把筆弔彼兩王子大者  
外遊身受繫冒險不撓怒裂眦小者一戰爲鬼雄後死四  
年蹈節同男兒意氣凌四海智勇所施竟何在十盪十決  
而懸頭天慙不利淚交流結砦一山知不固挺戈戴胄心  
愈怒枉矢紛紛士不先颯風弗弗靈爲聚玲瓏四牖山嗟  
峨血流邈眺鹿陘多崎嶇鋒刃當自奮有願不遂痛如何

健菴附誌王江字長升慈谿諸生魯監國兵潰航海後  
江與王翊同結寨於四明山蔓延數百里設五營五司  
營主軍翊統之司主餉江任之翊善治事江善會計量  
賦以勸履畝而稅民皆安堵一時四明二百八十峯之  
租賦不之官而之江嘗破上虞入新昌列城畏之  
兵擒王翊時執王之江母以招江以僧服見安置杭州  
未幾母卒江遁入海朝魯監國於金門丙申復入四明  
山與沈調倫同起兵大兵急攻山調倫見殺江中矢  
死○乾隆四十一年奉旨卹故明末  
殉難諸臣以原官錫諡王翊得諡烈愍

### 送從姪淵西遊

暖風吹爾西躑躅掛帆爲送浙河曲罌粟翻階落影紅黃  
鸚啼樹度枝綠顧爾翩翩尚少年客居滿屋畫星田贏縮  
句已俱在掌此中秘奧深遐想誰索流光推盡知歛來白  
狗徵非爽星辰滿握欲何行且飲杯中竹葉清固知窮達  
謙齋詩集 卷三 十  
皆有命何不滄霞擊赤城

### 中秋風雨同徐芳烈毛牲作

中秋之月夜迢迢沉吟仄徑心煩勞草堂桂樹香暗發東  
海行雲飛不歇淒其四野吹霖霖慘澹空中度天月張燈  
夜飲意不樂酒間與君爲六博樓船環海畏飄風曠騎荒  
城悲畫角碧窗私語淚自落安得身騎白鹿之車以遨遊  
裊裊天柱峯上頭曠懷逸興消人愁

### 苦寒行 三首

野老獨哭聲可哀千山落木更風霾七尺之軀已云細春  
泥地裂補非易斷冰作糜久落魄膚策盈耳情不樂北風

凜厲歲所有何爲丈夫腰似削如意起舞衣裳薄  
廣莫風從北來奢倚嘯城門久咨嗟獨居啗噉何所作竅  
穴颼颼似吹笳陰雲委地彌布濩白日晚晚天南處江壑  
何人毛鬢疎層冰峩峩積江湖但覺寒氣凌卑汗  
錢唐岬側江流淺凝冰糝雪水聲緩霜中搖蕩梅花開流  
焱激衣日不煖肌不能寒沙蔽屋因嶮作成馬共逐獨居  
頻盡杯中滌貧兒四望徑皆迷江城夜寒豺虎啼

苦熱行二首

會稽川源流已極會稽人居氣如蒸繞城草樹上參天深  
林處處聒鳴蟬三伏劉松臥酒泉莫道壺觴靡所苦滿空  
兼齋詩集 卷三 十一  
昏翳飛塵土似坐火山騰燄光誰臨風穴吹迴迂  
西域曾聞身熱阪南國燄焚今不遠徘徊林壑耐鬱蒸北  
風不至徒悶懣旱雲蓬勃流影長安得廣厦招清涼引渠  
繞砌荷花香何人自蔭楊柳下欲擬羲皇淚如瀉

幽澗泉

斗迴東指山花殷東風拂我幽澗泉泉流激激雲氣霏霏  
高猿屢引山木低枝步兵落魄春杯日送長嘯蘇門音如  
鸞鳳春氣奮發青滿野輕車日駕晞驥馬近遊遠覽傷客  
心榮枯感人一何深對此柔條思勁幹鳩鷹數化時月換  
繁華與零落遞傳幾時息徘徊六合間爭飛欲何極不能

如赤松子隨風雨上下遠遨遊且歸來抱影澄潭鼓湘靈  
之瑤瑟酌我幽澗泉生我好顏色

秋雨嘆

秋深洪潦邁何速一夜疾風吹拔木人生衣食孰不謀莫  
令蟹螺成荒邱城南幾接戰殺人不可算朝建旌旗映霓  
虹夕鳴刁斗雜雷電八月陵陂半青黃晚禾未成早禾香  
農疇思刈穫官吏急征輸坐對涔涔雨天高詎易呼昨夜  
羽書至喧呼徧林野摧折不自振相看淚盈把汙汙四野  
江沒渚徙倚中田魚腴子羣魚唯唯樂波濤飄風弗弗倒  
禾黍我有一樽酒消愁愁不深雨激蘓而汎汎雲迷岫以

謙齋詩集

卷三

十一

沉沉遙見閉城畫產竈更誰裏飯哭彈琴灌壇有令髮垂  
素鬼神不敢從茲渡酌酒高歌情自飛引今况昔愁難愬  
滌暑秋潭興可乘小山叢桂賦堪憑雲蒸西北寔成物帆  
掛東南好得朋流連戎馬令人老淫盜爲農不自保絕島  
環洲擾朔氛烟寒雨霽向蒼昊我無寶刀瑩鸞鵠秋波浩  
渺江湖迷

贈傅均

將軍袴褶始成名北騎渝關引旆旌旆旌裊裊西陵渡鬻  
策數聲悲日暮椎結晴看跨紫駟橐駝夜聽傳朱鷺時危  
蘭若暫藏身汎汎輕橈震澤春袈裟光映芙蓉劍貝葉書

深雲鳥文道林才辨胥臺曉覺路拂衣歸亦好花飛鄭且  
舍傍津月滿勾乘山下草惆悵家居徒四壁荏苒年華情  
愈結猿肱不用挽烏號燕領誰教探虎穴荷鋤麥隴久徘徊  
迢遞關山心已摧

遙寄燕人徐白雲

我友北遊出塞迴西山積翠望中開裴裒獨立古薊門何  
人能築黃金臺流連野田居道遇徐白雲雖爲歌魚客飄  
飄自出羣兩人意氣俱磊落相逢幸舍風疎索懽然締盟  
情匪薄忽出袖中兩丸蓮花鏢繚繞空中光灼灼有時劍  
與人俱去報仇千里君何慮胸懷激烈今無倫知己便吐

謙齋詩集

卷三

十三

肝胆語我聞我友言惆悵心有思秋風鐘夜鳴髣髴夢見  
之路隔薊邱三千里夢中鬚眉恐非是我懷日怫鬱愁心  
滿江水昔讀稗史言今知有此士疇昔懷疑今且信疇昔  
懷怨今愈憤我今臨風遙相問魚刀厠劍誰能奮古有高  
漸離善爲擊筑歌我迺屠狗儔遙視欲如何勸君醉飲燕  
市酒慷慨悲歌徧林藪今世幾人是英豪可憐東海樓船  
日風濤

津市打魚歌

葉落林臯波浪喧曉看津市打魚船大船結網長千尺小  
船環之罟齊擲鱣鮪力強難遁逃翔風吹人葭葦搖隨波

顛倒命足惜鱗鮓鱖滿江白江南處處是津途津市家  
家膾鯉魚霜刀一下雪花簇坐對清樽歌擊筑哀哉白龍  
改魚服下遊清冷爲人辱江山慘淡風日霾蛟螭吼怒龍  
鼉哭願吸西江水一斛瞬息變化雲中逐津市寥寥棹歸  
船時移勢去淚汎瀾

鮫人歌

大海吸百川淵深不可測中有鮫人居登機日夜織鮫人  
聚族水爲家水中四望極幽遐應有樓臺在水底裊裊輕  
綃手自理環海爲浸積水多天池廣大渺烟波崇島懸崖  
浮似黛馬銜蝸象跳如梭當軒秉杼何綽約纍纍明珠眼  
謙齋詩集 卷三 七  
中落異人手爪不可如三日五匹盈帷幕龍堂貝闕逐魚  
戲雲錦雲濤曉日輝縹緲遙山音正闊蒼茫巨壑水羣飛  
浩浩乎難來飄飄兮易歸三幔隨風愁未散十洲倒影望  
恒迷南溟迴汎洪波遠寄宿江城君莫返

精衛辭

精衛一小鳥日向滄海飛大荒陽谷無窮極口銜木石填  
其涯女娃帝女何蹁躚乘舟破浪墮風湍化爲小鳥返西  
山繡袂羅襦悉已解丹珠錦石遙相攀口欲銜此去高飛  
萬里還烟波不可極遙視浩漫漫爲功迺在大壑間徘徊  
道路心悲酸載飛載止羽毛單志大力小傷精魂安得海

老水乾魚鼈盡蕭索尾間之間獨沙石安得海水清且淺  
下見石纍纍使我夙昔有怨心不違

題上博門君遺像卷

門生時好施子能周人之急令子丞刻屬子題

獨夜悲歌應莫問我今流覽上博郡誰能指困借周郎非  
有晨炊厭韓信剡溪流水春淙淙東接天台花萬重恍慨  
日哦雙樹下長懷天屬古人風

秋夜行

秋深一夜寒蛩語庭前小樹香如縷客子懷愁映燭光主  
人簾下促飛觴人生意氣將何極要須作賦使君憶杳杳  
浮雲四野陰城頭夜靜啼孤禽烏烏啼不止坐客皆辛酸

謙齋詩集

卷三

十五

西風已蕭索袖短覺衣單不知會何日願畢今之歡大道  
青樓有老婦度曲琵琶手自彈濁醪千觴亦可醉何須歌  
舞入華筵三春滿地花爲褥逡巡不盡杯中滌及至窮秋  
風雨淒又苦杖頭錢不足爲君歌君飲酒歲月銷沉那得  
久華冠緹履幸自安憂愁慘怛復何有九月索郎劉白墮  
及今桑葉風婀娜二十不足秦羅敷向來五馬立踟躕雕  
盤綺食青玉案一日不食味當變繡戶美人光陸離幾回  
使我心曲亂繁華有時盡容光有時改窈窕爲雲爲雨人  
夢醒惟有青山在爲君飲君更歌九州慘淡日風波昨日  
少年今已老飛揚跋扈欲如何

寒山圖

關九思昔何在拈秃筆寒山對興悠悠景曖曖以今時思  
昔態騎馬金臺邊驅車繡陌內碧樹烏啼花丹樓雲作纈  
所見盡繁靡不作春光采茅屋兩三間古樹參天長平湖  
水不波霜葉風難颺彷彿秋巒滅依稀寒磴光漁人搖艇  
入樵夫隔林藏豈因世賤貧寫此氣寥廓江城垂柳低相  
顧慘不樂昔時嚴父在幽燕羅衣皂帽興翩翩看君勾畫  
落花前寒嶺空林致渺綿薊邛三月風光美寫此慘淡之  
山影夾春花裏仰瞻遺澤不勝精神淒貌悴愁無已碧草  
蒼烟換歲年江河無復東流水昨夜牀頭注糟粕東風不  
兼齋詩集

卷三

六

暖衣裳薄寂寞幽簾逸興飛沉吟委巷孤懷索去去滄江  
雲正深古戍城邊烽火作卻憶高堂人在時滿眼蕭條雙  
淚落

題舊畫問道圖

我於繪事非有癖近來買得橫一方何年妙手成此技鉤  
畫工緻爭毫芒高座道人固磊落開口應知論辨博人貌  
雖賢惜不存藉茲描朽聚魂魄侍而坐者復何人蕭疎已  
自出風塵踞而煮者又誰氏卓犖殊能絕恹鄙此等筆意  
真不猶衣履杖榻致幽幽細入秋毫盡精利隱几默坐消  
離憂請君更看童奴輩頰上備極庸蚩態把布掃除職所

安企腳窺矚情難耐遠公渡虎溪清風常襲人智辨如流水翩翩羅衆賓中有何人來問道白蓮社中曾一到何人據鼎更相炊脩靜逸致照鬚眉遣筆似入廬山路標韻瀟灑得生趣披襟解帶遙相望放達不異高人腸嗟乎畫中有盲人不識我從粉墨窺胸臆秋風夜厲雨苦多曉起看畫心如何

夕館聞笳

南國關山入暮秋綺窗杳冥心悠悠吹燈湖海茫茫思夢越巖城烟霧蔽江間鴻雁御風歸驛裏軍書騎馬遲碧水青山人已遠不言不寐愁不散忽聞數聲吹筆築秋滿清謙齋詩集

卷三

七

江風瑟瑟行人路向烟浦深我從飛鳥棲故林嫋嫋羅衣輕舉袂絲絲白髮短加簪潦倒風塵旅徑黑幾拍胡笳聽不得

弔張尚書煌言

古來誰鑄赤堇山中錫劍成渙渙如冰釋秦阿工布俱不見鐵雖有神誰能辨數千載後吾亦登其山顧視青燐精氣奔迺產個儻士毅然挽乾坤世人傳姓名字曰張元箸馳馬紛海岸東郡列刀鋸始願力不遂極重勢難翻皂櫓冠峩峩臨危竟喪元烈士殺身詎自惜遇嶮不回壯魂魄嫋嫋旌干風動搖翩翩袴褶波瀾清信公被執死柴布凜

列萬古歸忠義我懷張悌揚烈聲殺身報國何崢嶸回視樓臺海岸生我有烏程酒一杯莫爾河嶽之氣光鬼鬼南屏之山藏血碧兮心生哀

謙齋詩集

卷三

七

健菴附註張煌言字元箸號蒼水浙江鄞縣人崇禎壬午舉人順治二年夏於大台兵授為杭州故明魯王稱監國於紹興煌言以迎夏王張名振翁洲張名振當國召煌言嘗奉使入閩三年侯王保翁洲張名振當國召煌言言僉上虞之平岡七年王保翁洲張名振當國召煌言入軍衛加兵部侍郎八年大兵克翁洲張名振當國召煌言入閩登鄭成功祭孝陵而返軍翁洲張名振當國召煌言陽儀真抵燕磯而返軍翁洲張名振當國召煌言丹陽儀真抵燕磯而返軍翁洲張名振當國召煌言入閩與鄭成功祭孝陵而返軍翁洲張名振當國召煌言入之順治六年夏煌言會鄭成功之師入鎮江成池全師圍金陵煌言為偏師入長江所破瓜州四縣煌言所至禁抄掠父老扶杖為三望見衣冠涕泗

以諭之四之見督踰楊居魯被軍中言而備泗交以  
原西十者趙山南王擒挑軍上故變鄭至  
官賜湖五以趙山南王擒挑軍上故變鄭至  
諡張南木等三子人殉焉好附之乾隆四十一  
忠煌屏子木等三子人殉焉好附之乾隆四十一  
烈言三子人殉焉好附之乾隆四十一

甲寅春仲贈徐六芳聲時年七十 三首

徐子年深興益豪七十鬚眉無二毛百花叢中拈聖酒臨風倚曲聽吹簫拓弓何自鼻生火壯志猶堪扼猛虎

曼聲激屋歌彌放把釣柯江思破浪會須中酒艷陽天百年長與春蕩漾磻溪七十坐茅漁靈木可能醉不扶丈夫年駛智深沉烟霞明滅景難任况復挾經下簾久聚米爲山畫滿襟把酒燈前雷夜急蛟龍昨起池中蟄

江南送春曲

送春歸春何所江南江北水茫茫春情一夜盈江潯江南女子晝揚舫子夜吳歌不可聽花間翻蛺蝶草上抱蜻蜒

謙齋詩集

卷三

九

鷗驅楚水潮飛白鶯語吳山葉轉青送春歸春何所雨後楊花徧地飛又恐春隨花際去愛春把酒向春酬一睹楊花約袞帶繚繞春光愁殺人不禁春去情搖曳

寒雨行

觸石生雲暮雨飛建瓴注雷寒流急江縣城頭獨立人翠影霏霏繩扉溼老樹謾矜枝葉翻大陵已作波濤及舟船徧地繞戈鋌人士一朝爭袴褶有鳥三年不肯飛飲啄塵寰日已非躍馬鳴珂心有慕嵬嵬太行愁失路

其二

餘雨飄零與物寒同雲晦昧去天近我固世間落魄人邇

來居止亦宜謹曾因風咳審扉樞復慮烘熤治束縕十洲  
三島未道遙白馬青絲徒悵忿篴篴清波雙鯉魚誰寄音  
書沅澧居可憐四壁空相向窈窕雲山色惆悵

其三

寒欲及人何可辭雨知在上誰能斂七里巖瀨魚弗鬱一  
曲賀湖雲有滄路傷老馬影淒其江上飛鴻波激灑悠悠  
年往漫多愁弗弗風吹嘗自歎盈頭白髮待干戈把酒閒  
房獨寤歌夙昔致身苦不早蹉跎何以鑒蒼昊

其四

寒氣蕭條夜何凄晝光杳冥心作惡踟躕雲霧不能開悵

謙齋詩集

卷三

子

望鯤鵬何自落風吹姑蔑旗影翻雨洗純鉤劍花薄路眺  
重山盡棘荆人傳四海俱丹腹遙遙萬里宿心親孤居相  
望不相聞昨日梅花開滿樹嬌歌一曲君何處

其五

朝朝遠海綠鷺船夜夜荒城朱鷺鼓短日六驥儵相過曠  
懷百觚皆不拒目慘林廬淦淦雲神傷田黍瀟瀟雨白馬  
御枚勢欲奔黃巖嫁女聲方怒半雨半雪有凍人新詩吟  
罷益愁辛誰將寒氣吹桑梓顧瞻南雲墮手指

聽琴篇

桂樹團團滿地陰幽人林下撫瑤琴白日欲暮浮雲蔽裊

裊絲桐自搖曳  
衡陽幾曲孤帆轉  
白蘋騁望夫君遠  
回雁數峯雁未棲  
瀟湘一水水長滿  
流澌四入洞庭波  
木葉下奈秋風何  
拍天白浪蛟螭怒  
極目滔滔不敢渡  
有美一人在雲端  
清潭碧草晚橫烟  
金支翠旂光欲閃  
閃夢魂雖到不能前  
傾心結君邈河關  
願君不忘期暮年  
拂徵流商緩愈急  
一彈再唱哀情織  
君鼓七絃浩自得  
我幾爲君長太息  
岑寂闌干聲已淒  
蕭條四野愁何極

雪灘釣叟歌爲顧有孝題

江上何人氣嶽嶽  
手中工布光初濯  
情不自得避牆東  
具區浩蕩天吹風  
滿徑蓬蒿矯白首  
左圖右書貧自守  
昔爲抱甕之丈人  
今作雪灘之釣叟  
抱甕汲泉灌圃畦  
機事不作悲情微  
百仞垂綸又復釣  
波中躍鯉音書到  
知君結交徧天下  
中夜高歌淚如瀉  
野外誰爲織屨人  
市中幾見吹簫者  
垂老爲漁引釣緝  
笠澤寒深雪作茵  
不識持竿何處

下遙令千里蔽烟雲

健菴附註明詩綜顧有孝字茂倫吳江縣學生著雪灘釣叟集又靜居詩話載顧處士甄綜百家之詩開彫分授甚行于時賓至輒留江左有藝菜孟嘗君之日晚自稱雪灘釣叟

玉壺吟哭友

慷慨伏櫪吟壯心  
何揚揚如意擊唾壺  
壺口爲損傷古來  
天下幾英雄獨駕何  
愁轍跡窮四望蕭蕭  
白楊樹何人意

氣凌蒼穹劉琨獎王室雖沒亦無悔乘月登樓坐嘯時敵  
騎散走竟何在誰言處仲是可兒躊躇顧盼覺已非揚枹  
擊鼓自雄爽淵淵音節遂多乖古今久相隔湖海獨徘徊  
坐飲疎狂百斛酒蹉跎日暮心生哀曲巷誰爲擊楫儔門  
前豫章大蔽牛矯節英賢身不遇拂衣歸去葬林叩波濤  
滾滾千萬里徬徨側足情無已榆柳逢春旗影翻關山入  
夜笳聲起世事蒼黃不可論遊魂倚嘯上東門君不見朝  
歌之叟年七十直鈞垂釣一蓑笠天年已夭兮何處是西  
園望君之墓兮嗟何及

湘湖采荷寄答王草堂

謙齋詩集

卷三

三

前年白露君將旋滿湖碧草興翩翩題詩欲下層雲鳥慰  
我如揮叢桂絃今年酬君隔江水曲江縈帶心耿耿荷搖  
湖上落紅衣鷺立沙邊窺白影清江隔堤湖水幽映波艸  
翁亂中流王攜能掣五花簞采贈芙蓉夜露秋及此馨香  
秋未收

夢遊葛井飛泉圖歌

有序

舊同紫佩觀仇十洲所繪葛井飛泉圖巖壑幽深  
茂蔚羣仙縱逸蕭散美其閒雅未卽去懷疇昔之  
夕夢與紫佩倚杖同遊歷此異境杳窈峻僻旣攬  
其靈勝而仙人復顧我而揖邀與題詩倉卒未成

而寤夢雖有因何能忘此遂爲此作且命紫佩同賦

葛公成仙有幻術能飛藥自井中出巖洞深邃烟嵐清羣  
仙視井咸飄迎染筆精妍仇十洲畫境何如夢境幽仙人  
縹緲雲霞中俯仰塵寰何所求忽見翩翩向我揖徬徨丹  
竈疑難入族孫少年奮欲前視影不見泉飛溼空中玉案  
自前來喫酒何人向蜀天曲躬邀我題詩句遁跡應多塵  
外緣紫佩拂衣前視井我臨亦鑿雙斜領搦筆躊躇詩未  
成徑幽忽迷夢初醒玉宇瓊樓不復看畫中仙軌致思難  
窗移挂月穿光炯耳徹霜鐘繞簾寒連雲三島今何在我  
謙齋詩集

卷三

三

製荷衣蕙作帶此境淒清難夜尋曉風搖樹皆天籟

夢遊廬山吟爲蔣平階黃宗炎過訪畱別之作因寄

呈水月和尙

匡廬之山蟠基聳峙真奇絕棲託幾人影明滅雲霓爲駕  
夢中車東風吹到彭蠡涯彭蠡之水何浩渺五老峯前囑  
覽杳重巖元暎難陟登千丈飛湍風日曉昔有仙人隱此  
地正當太祖龍爭際天葩炳靈山之岑御碑神鬼扶不廢  
我生非其時夢醒難爲懷躊躇今古間何人廬阜來凌晨  
聞剝啄影汎江瀾迴餘姚黃宗炎華亭蔣平階雙雙攜手  
至梅花拂袖開遙指西南雲五色映春杯相望不可卽悒

鬱使心哀問君幾上廬山路彷彿如遊蓮社去固知吾輩  
神仙儔身騎白鶴雲烟聚黃子好侍水月居蔣君數與逍  
遙遇逍遙已往不可尋水月西隔錢唐深我欲從之辨興  
喪旌旗繞水迷烟浪水月仙人貌僧裁懷元蘭若會城隈  
久寄水晶城頻揮金玉杯赤松烟裏下蓬島水中開慘淡  
求三昧飄零戲九垓夢中邀之題詩廬阜巔恍惚不得挾  
弱翰眇眇禪棲錫鉢在何須跛腳雲霞外洪州西山一何  
高天寶洞中風蕭蕭迢遞峻岳張逍遙飄然人世非一朝  
蔣子從之游彭蠡渡輕橈水上逐飛鷗山中散紅桃回首  
五老峯瀑布空中搖神仙有要訣表裏盡光昭爾懷最磊  
落拔俗凌雲霄我夢不能前旋身返故巢張公吸漈逖栖  
叟煮石未成尸解走水月安禪不語禪微示吉凶兆所有  
黃子再拜聆至言可能更相問訊否特起兵戈日戰攻東  
行到海亂如蓬幾處江山蹴踏破王孫隆準街頭餓建業  
昔龍興周顛迎道左水月爾何思風吹衣婀娜何時大定  
烽火息其上廬山歌秋月蔣也黃也視莫逆還與水月成

三益

雲士附註黃宗炎字晦木號立溪餘姚人宗羲弟著二  
晦山樓集又姚江詩存立溪先生晚年貧甚賣畫浙西  
一時傳黃高士畫爭購之每自矜不苟作遇貴游輒媿  
罵不應見者尤其迂怪畫雖佳人無識者查悔餘贈詩  
云青錢已長莓苔路畫稿頻移荔薜牆指其書也弟宗  
會字澤望號縮齋又號藤龕忠瑞第三子讀書一再過

謙齋詩集

卷三

不忘一日所讀必盡百頁爲  
程有事則次日倍其常課

謙齋詩集

卷三

五

謙齋詩集卷三終

謙齋詩集卷之四

蕭山蔡仲光大敬甫撰

族裔

震甲雲士編

應鳳小汀梓

五言律詩

紫驢馬

雲士附註古今樂錄紫驢馬古辭云十五從軍征八十始得歸云云只四句又梁簡文帝

有紫驢馬

八尺走跋跋章臺楊柳新絡頭難遇主顧影可騎人按劍  
銅溝水關弓槐市塵少年騎此馬掩映渭城春

宿永壽禪院與院僧

野服吾何往繩牀爾爲懸數聲清磬發一樹妙香傳衣影

謙齋詩集

卷四

親三藏秋情滿八禪風吹窗動竹相對意泠然

送周元來美之徽州

春水激灘清春花滿岸生江臯攜手處落日更前征問政  
雲連屋梅銷柳拂城他鄉長飲酒莫忘故人情

送人遊羅浮

聞道羅浮好春帆萬里行雲飛九曜島日煖五羊城深洞  
璇房曲重巖桂樹榮故鄉耆舊在莫去學長生

釣臺

逐世不可見披裘入富春古來此流水高處一垂綸江雨  
迷祠屋山花臥隱淪噴噴灘上嶺久矣絕風塵

燕

雙飛繞屋翔顧視語偏長思以羽毛質來登君子堂花泥  
銜補壘毳萼落懸梁永托巢窠在他年敢暫忘

渡十八澗因投理安寺午餐

從從溪上水杖履幾徘徊谷霧因春重山樵及午迴梵聲  
深草樹旛影動樓臺惟有青鴛客能飛食鉢來

送友人避兵入處州山中

行矣子閑閑東甌花柳殷突星王子灑噴雪謝公山疊嶂  
層雲裏單衣匹馬間時危重智慮從此遠鄉關

上大尖山

謙齋詩集

卷四

二

亂後吾仍在秋來涕不禁向時登岱志此日買山心唱梵  
瓊簾夕拈花碧殿陰慈雲連殺氣悵望轉蕭森

秋江晚泊見洲嶼居民競畜鷓鴣捕魚易米感有此  
作

秋江櫂一船茅屋暮橫烟晴曬鷓鴣翅寒耕水族田蟲吟  
楮樹下竹影荻花邊恃養兼沽酒張燈洲嶼眠

春月

扶筇年已老避世欲何親惟有天邊月頻窺江上人花紅  
思辨藥水綠好垂綸那復乘舟去滄江採白蘋

愁坐

寂寂衡門徑液液春水涯燕飛增故壘蜂趁落殘花覆井  
莓苔細綠牆蒿蘚斜四郊行有畏愁坐詠蒹葭

霧

曉立寒門外垂天白霧迷如烟疑豹隱帶雨聽鳩啼絕磧  
悲禾黍清江伐鼓聲瞻前人不見身世久羈樓

毛姓喪子

直作東門達當收東野悲可憐君喪子又若我無兒窗雨  
村雞喚江風漁火吹寒深更漏永寂寂下羅幃

春雪同舍弟育芝芳飲

雲士按育號果  
行芝芳號子柔

飄蕭野典合貰酒對澄潭十載干戈聚一家兄弟湛梅開  
謙齋詩集 卷四

三四

庾嶺北雪滿大江南花著三荆冷愁心不可堪

贈無量禪師

山僧何處至磊落最堪哀魯酒羅衣短野田茅屋開青鸞  
爲鳳族天馬是龍媒無限飛揚意沈吟歸去來

懷從叔以敬許下

二首○雲士按以敬名時亮字子  
莊號西樵善醫兼六藝乃儉三十

五公幼子遷  
居河南許州

相憶不能寐中庭月色寒遙傳溟水宅翠竹繞千竿花下  
頻拈酒風前好據鞍異鄉年半百珍重勸加餐  
藥竈蒲腸術紋窗作賦心懸蛇應滿壁把翰必成林酒向  
繁臺貰情因曲水深王湛讀易妙姪濟思難禁

雲士按淇水出河南密縣大隗山淇音弋又異

叩在禪師匍匐數千里徧遊天台雁蕩諸名山而返

示子兩賦誦之而有此作

四首

秀嶽暢登臨旋攜杖鉢尋天台眞冥奧雁蕩最幽深緬想遊仙窟長懷采藥心飄飄歌兩賦逸興滿雲岑

複嶺峯多匿層臺草莫名雲中瀑布裊天半石梁橫挹水嘗龍湫餐霞攬赤城自傷年齒暮木履曳難行

孤遊凌嶽業負杖始歸時我誦興公賦君言雁宕奇瓊臺阿曲路珠箔亂紛絲七十餘峯嶮峯峯入夢思

幽懷期必至藉爾告山靈曉日寒紅樹秋風落翠屏山高

謙齋詩集

卷四

四

溜吐白峯聚蔓連青不爲飛塵擾何宜岫幌局

八月十四夜五雲掩映月中光華閃閃如欲墜狀子以早眠不及見也丁迪吉見而爲余道此感而有作

泠泠江縣月縹緲五雲鮮寐假涼宵早華飛皓魄圓漆園秋有夢潘室夜生烟願免金波裏相思爲惘然

聞郡中新葺大禹廟有作

山入會稽尊于秋禹廟存丹青春日麗草樹曉風温高窆蟲書跡飛梁藻帶痕規撫俱似舊感慨致思紛

嫁女閑詩

三首

昭昭白日輝爲汝拂純衣毛髮塵中變芝蘭階下稀琴書

雖自好井臼莫言非次女年方長婚媾今又歸

家貧惟賣犬遺嫁遂經時莫雁蘭膏繞推車錦幔垂結襦  
母已憊命醮姊同辭江路繁花落愁心惜別離  
自有干戈亂懷憂滿碧潯畫旗環海近洗爵洞房深事大  
常多變身微怨易侵臨危女有誠告汝淚沾襟

春雨

多病干戈世乘槎湖海人形枯長藥餌興遠只絲緡淦淦  
雲懸雨滔滔江入春微茫沙草際蕭颯覺傷神

夏雨

獨臥夜淒涼蓬門曉鬱蒼江風翻藻碧山雨隕梅黃北馬

謙齋詩集

卷四

五

泥鼓側東田淹渺茫將軍行內地何事久倥倥

婦病

四首

婦病何由甚慙慙當此辰糟糠冬是御椎髻室長貧織履  
吾無怨推車爾共巡蕭蕭林葉下仰視淚沾襟  
婦病何由甚空廬步念之甘藜迫有事綬帶悵無兒凭几  
驚心憊扶牀顧影欹接輿狂有室相視兩支離

兀兀坐常苦廉廉瘦日增蠲憂猶未減探藥復何憑雨後  
雲中雁風前壁上燈閨人休悵望夫子尚能興

婉淑情宜合沈疴臥自支長貧丸藥餌多難閉城池皓月  
頻窺戶寒風早下帷因知伉儷重覺爾自清羸

早春江行

野景春光澹江臯好自娛騰猿臂接木鷺雁口銜蘆澗水  
冰方釋山花葉未數小村常寄宿白酒已堪沽

秋夜泊湖中孤嶼

孤嶼夜青熒幽人臥一醒翩翩投野鷺落落散疎星耕鑿  
因時習鉦鞞與世聽扶搖鵬九萬悵望徙南溟

送徐緘張杉之山東二首

山左幾千里離愁起夕曛一帆揚楚月並馬出淮雲李白  
酒常醉醉綿駒歌不聞數聲南度雁從此倍思君

路歷淮揚遠迢遙心不宐逆流河水濁無字嶽碑青跨馬

謙齋詩集 卷四

六

重裘薄聽雞半菽馨人傳詩學古濟上李滄溟

健菴附註徐緘字伯調山陰布衣少負盛名神忠敏公  
彪住延之訓子毛西河性張南土杉姜桐音廷梧輩往  
來觴詠後受知于施愚山爲之延譽當塗爭迎恐後所  
著五經史傳註數百萬言詩曰歲星堂集○張杉字南  
士山陰白魚潭人少負才名終於諸生西河推獎南士  
如昌黎之于東野子瞻之于山谷其詩不落宋元年少  
時曾贊於蕭山

十月雷雨雪禾蔬皆折委棄原野

陰凝曾不固陽奮遂堪嗟電見冬如斧雷驚夜碾車禾登  
珠瀉地蔬折碧沈沙乘木何王世霏霏又雪花

消息

消息傳何處殊方久戰侵關河遙悵望草樹更蕭森祖約

方奔趙昆陽未破尋風烟一萬里淚灑碧山岑

送丁四六盛入燕

爾走燕齊道春風滿布裾千金骨市駿幸舍鉞彈魚擁筆  
何門掃分光幾壁餘朋交非一世爲勸早迴車

爲長山李君題遙祝卷

李長山人宦遊於浙因友人以索子題焉其父晚  
始力學母舊家女食貧操作以佐之

爲學蘇公晚推車孟氏賢肩榆曾自苦提囊舊堪憐秋溇  
西湖水雲深長白天異鄉遊宦子北望羽觴傳

徐涵之采芝得駢莖合秀之草詩以紀其盛

謙齋詩集

卷四

七

春風花樹殷三秀發山間異體何由合靈枝遂已攀薰衣  
披薜荔擁棹汎潺湲蔓蔓仙人掌充饑駐玉顏

北望

淮海徧雲雷躊躇江上臺澤毛元豹隱掛雨白龍迴陶謝  
詩名遠韓彭陣影摧索居因嘆世北望使心哀

贈李懷帖二首

裘衷不得志躡履渡錢塘走馬長楸下吹簫古寺傍春花  
開艷麗秋月照淒涼落魄風塵裏何能不自傷  
昔上甬東臺揚帆到海迴簪纓幾家是花柳拂江來方外  
頻歌酒區中忽起雷憐君塞杜若年已白駒催

山中

山中惟獨臥萬木莽蕭蕭屈宋顏常頽嵇劉興自遙吳山  
愁過雁浙水聽奔潮潦倒西風暮天涯盡沈寥

園中鶴二首

差池臨沼跡嘹唳度林音雲裏迴翔志階前懊恨心朝鄰  
雞鶩食夜臥桂蘭陰誰復如支遁凌霄總此禽

避繳嗟何及乘軒志豈榮花前晴弄影露下暗聞聲翮矯  
風雲晚身羈洞壑清那因稻粱惠橫絕遂忘情

弱柳

弱柳垂池細芳梅翦鬢殘今年春較緩昨夜雨猶寒離俗

謙齋詩集

卷四

八

排桑酒因時製鷓鴣冠故廬雖近市門外有風湍

八月

久旱炎蒸甚爲農實可嗟山雲朝送雨紅蓼暮開花八月  
秋方杳臨風衣薄加不禁幽興劇永路一乘槎

哭蘭兒三首

啼鳥聲何苦繁花開滿枝今春復喪子昔日本無兒衣履  
猶懸桁琴書空在帷童烏心敏慧撫視淚如縻

白皙好形樞牽衣膝下娛三齡讓梨棗七月誡之無曉起  
喧騎竹臨門趁浴鳧童年今又盡腸斷夜猿呼

悲歌淚成血吾兒字畹蘭遊魂聽易感招掌痛難寬夜月

當窗白春風拂檻寒自憐年五十門戶影形單

哭次女闋 二首

自汝于歸後遊頻至汝家辜帷敲夜月啜茗問春花一日  
沉綿染踰時積熱加烟霏蘭室曉撒漫散流霞

男弱應難救女痾何自深行行頭似雪望望淚如涔鏡在  
妝難覓房空跡更等窮泉一女子兒鮮重南琛

調觀撫方畢亟歸療我兒肥甘成胃疾參朮詎貧支煮液  
治兒日張帷哭女時身存不佐急魂逝復何如

哭與兒 三首

吾罪真難道生兒今又亡燕泥和漬淚蝶粉撲飛霜學字

謙齋詩集 卷四

九

書猶誤吟詩授復忘穉年心戀汝烟裊夜茫茫

自汝初生日癡言天與吾那堪年未長忽又逝遵塗夢幻  
魂難聚春深髓愈枯憚憚門祚計淚湧繞平蕪

乍看疑影是欲出訊言非日暗窗前樹風搖屋角衣病妻  
呻不起逝女挾同飛曳杖吾年老衰哀獨掩扉

婦病 三首

婦病形非舊吹燈照影枯囊中探藥貴桁上撒衣需痛女  
哀難盡傷兒淚竟無枕邊惟漬血擁被日長吁

女男俱喪後抱腹脹彭亨臥席身難轉持衣淚共傾草螢  
飛暗壁木葉下寒城夫子謀何拙愁心默自縈

妻老身無育兒須側室成奉先嗣最急買妾性難貞月向  
愁偏皎花從病轉榮此間無限况顧爾不勝情

同病妻移居

家貧屋已賣扶爾共移居杵臼勞何怨詩書載自如但看  
囊有藥莫怪食無魚顧視身長病何能挽鹿車

哭外孫王鉞

二首

童年竟不保痛哭杖扶初遂使楊惲死誰傳太史書聲哀  
流雁隊淚漬合冰渠汝母捐輦表經今四載餘

久哭乾無淚年哀歲不同一思珠映白愁對燭張紅賦鴛  
驚朱異通經識聖童可憐紛玉樹飛逐曉風空

謙齋詩集

卷四

十

我女逝將別悵然撫此兒從歸奉雉入就塾佩觿遲無宅  
堪成相有書實寄思那知悲母訣其子又臨歧

湖中秋月答周四晉民

烟月湖山夕荷衣被早涼操觚慚謝朓託契問王陽絕島  
雲旗亂重關雁字長干戈毛髮異寂寞讀書堂

得南土解州手札

古解知何處遙傳錦字難憐君騎一馬北上太行看鹽結  
清池白河經砥柱寬春風劉墮酒官閣與誰歡

送天章姪北遊

負劍北遊初春風曳滿裾非歌燕市筑但覓孟嘗魚孤棹

縈冰遠雙親倚杖徐途逢南至雁寄語慰離居

戲贈

揚鞭洛陽道新逐董妖嬈密顧文君酒輕吹弄玉簫龍涎  
生碧縷解眼試紅潮何似花臨水光華兩倍饒

同徐介白訪幽渡上人

江閣鳴疎雨津烟淡夕流孤花浣女色亂荻釣翁秋茶熟  
烹金餅荷香在竹廳寥寥乘化者何處不消憂

送大可南士之維揚

驪駒且莫唱吾郡久交稀毛子及今去張生幾日歸雙帆  
天外落一雁雨中飛為問隋堤柳歡歌似昔非

謙齋詩集 卷四

士

同徐徽之何一岷朱斯佩何自銘飲王自牧三畝園  
時大可久遊始歸二首

三畝畫園扁環池巖岫青酒厨思中聖秘笈好談經毛遂  
遊將老徐陵議可聽小山何允隱此地任藏形

春深水繞渠花落靜林廬設畫羅張顧為倉積史書政中

避飛鳥歌底聽潛魚畫字王脩在翩翩酌酒車

健菴附註何一岷名文焯號正菴天資穎異十一歲能  
為文邑庠後為諸生望督學許公彖按臨得一岷卷稱  
為奇才拔冠一郡一時九繩授選當時天下名頌如陳  
臥子李舒章輩皆嘆服以為越士無出其右者中年即  
棄帖括不求仕進不通貴客嘯歌自適而已嘗獨坐一  
樓遍讀十三經諸子百家及漢魏晉六朝唐宋諸名  
集合萬餘卷自朝至漏下手不停披年踰七十率以為

常○朱玉貞字斯佩敦行能文幼詩嗜李長  
吉後乃沉酣于杜少陵著有天香堂詩集

同徐伯調張木弟包飲和姜桐音單昌其飲張南士  
齋

爲有鄒枚至飄飄兔苑輝春從海上渡雲繞座傍飛搖筆  
花爭發銜杯鬢已稀諸君感詞賦吾道只漁磯

三伯母庭前白石榴花

二首○伯母始婦皆孀也皆  
橫山傅氏之女無子孤苦嫂

孀時年十有九今已  
六十伯母且八十矣

一院榴花發翩翩著潔清婦始存至性草木類人情密葉  
搖風細奇葩散雪輕孀居不計歲曾見幾枯榮

入閨情槁易倚檻恨消難伯父已無後榴花猶自寒有何

謙齋詩集

卷四

十一

人敢折但見露長溥顯質層層際年將子細看

有客夜至畏犬不敢款戶隔牆相呼

孤帷坐杳冥聞喚隔牆聽雖道鄰皆古難教戶不扃桂蘭  
開夜露籬落度秋螢潦倒江湖客能無犬吠形

江月懷張楞

夜月散飛霞晴川麗白沙影搖青漢近魂濯碧波遐地迴  
飛鳥鵲風冷落花思君不可見搦筆賦蒹葭

雲土附註張楞字季方山陰白魚潭人與兄梯字木弟  
杉字南士並善詩古文時稱山陰三張丙戌六月王師

下浙東楞  
赴江死

元夕客有邀子過市觀者予躊躇不果口占以答

倚杖子何去臨風吾且還春燈喧縣市江月上柴關礮水  
情常濁梅花鬢有斑昔年當此夜何地不躋攀

贈俠者

知君尚未貧倜儻固無論坐貴虬髯客交多猿臂人冰絃  
彈自泣驄馬走相親爲問年來事關山益苦辛

二月

岸平搖水綠山遠出雲青二月花都放三江雨又零哀時  
拔劍舞懷古誦詩聽白髮桐江叟頻年一釣船

題孤山表忠寺

二首

二世燕京節千秋浙水春李膺亡宦者何忌殞妖人白驥

謙齋詩集

卷四

十三

雲中下紅燈閣側巡滿堂冰雪氣愈覺善多鄰  
雲飛迷翠蓋花發映靈旗蘋藻春卮溢香燈夜影垂乘螭  
臨皓月撫劍蕭叢祠爲憶乾坤變性樽不盡悲

遊女曲

翩翩遊女過窈窕步凌波廣陌條桑緩春船繫樹多何人  
思秣馬有壻盡橫戈濯濯門前柳當年行渡河

江上小樓

渺渺心何向飄零此地遊山川當暮迴花鳥入春愁島嶼  
昏人亂干戈戰艦浮澄江波不遠惆悵一登樓

航烏山角雨望

野閣崖高處，春天雨細時。風冷林婀娜，泥溼燕參差。屢吐樓臺氣，鮫成機杼絲。江雲迷遠望，獨立影淒其。

邨家

爭戰知何極，村家日更淒。舟船浮作路，旌旆繞如霓。鳥嘯飛傳谷，江流曲抱隄。幾時戈甲戢，巖處只提攜。

來十三美遺我以楛樽

板楛癭宜解，劔樽蟻可浮。奉茲恭自勸，荷爾意難酬。月皎持相照，花飛繞正稠。青黃聖塚木，悚慄省身尤。

雲門道中

爲愛林泉路來遊，此地頻聽禽。連日暮乘筏，及山春埜屋。

謙齋詩集

卷四

千戈亂村醪，風俗貧鄭宏。今不在誰負，此間薪。

健菴附註：浙江通志雲門山在會稽縣南三十里，晉中書令王獻之居此，有五色雲見，詔建雲門寺。後漢太尉鄭宏字巨君，山陰人，徵時嘗採薪得一遺箭，頃有人覓宏還之，問何所欲，宏識其神人也。曰：常若邪溪載薪爲難，願朝南風，喜北風，後果然。故溪風至今呼爲樵風。○九域志曰：若邪溪卽歐冶子鑄劍之所，徐浩游之。云：曾子不居勝母之閭，吾豈遊若邪之溪，因改爲五雲溪。

芋蘿山二首

千古西施美，明妝去不還。心傷壇利里，嬌映芋蘿山。皎月翻桂影，飛花繞翠鬟。浣紗石上水，流恨滿人間。  
美女妝搖玉，君王臥抱薪。鶯花難寫恨，羅綺易畱春。舞曳離邨袖，歌飄響屨脣。冷泠溪上月，應識此愁心。

中秋臥疾

令節光宵滿微軀臥晝餘帷聲遘疴急月影度窗虛牀下  
蟻何鬪雲中兔轉舒廣陵濤可說未有席門車

郡郊觀獵二首

徑自雷門出驅從射浦歸天寒旗欲裂草盡馬眞肥獸駭  
彌山逐禽驚逆矢飛壁門觀此戰不用鐵爲衣

角鹿驅來疾張置望去閒撮禽鷹受縶逐兔獫騰山蘆雁  
雲中盡葶弓馬上彎如何漢飛將生縛射鵬還

汎湖入楊蘄山寺

碧草野船迴水花夾棹開春風當戶入暮雨自東來乞食

謙齋詩集 卷四

山中寺吹簫江上臺近遊方自縱隔望已餘哀

秋盡山行曉霧

秋氣日蕭騷秋行濡布袍山容迷霧暗峯影帶雲高不辨  
谿成瀑翻疑海作濤何當蘊此景橫墨寫劉曹

題白鹿山團標

音瓢團標屋也時則以竹爲之二首

入山聞白鹿削竹以茅茨篠簜成珠火雲霞映辟支香烟  
迷覺路花雨散仁祠欲問元中理春江月落時

老僧何所得理膝在山椒未欲乘杯去誰爲建剎招曉風  
關白板暮雨覆青苗妙悟忘筌日何知此寂寥

平水大橋夜月

皎皎蟾光白泠泠桂影寒溪風吹水細山月待人看茅屋  
平橋渡春燈野竹殘夜深疑有虎獨立久應難

秋夜同杜陵生宿鑑湖

秋色夜蕭疎空潭靜對殊花開孤嶼蓼水落野塘鳧風月  
人多病帆檣客在途不知明鑑上雙影入來無  
坐柳下因憶夢中見亡友張十六茂芳

垂蔭曾相映流絲似欲眠依依真可愛張緒在當年帶日  
疑飄絮臨江忽起烟慙慙夢中態不向醒時傳

項里項王廟

項里粉榆社陰崖拂袖遲春雲迷磻壑夜月引旌旗楚國  
謙齋詩集 卷四 其

當年戰江東幾處祠拔山氣已盡零落不堪思

蔬架

交橫繩絡屋構固繹圖書春雨芊芊長秋風撼撼餘花當  
窗綴密蔓繞路妨紆谿刻於陵隱何能不荷鋤

有棄老馬於雲棲寺側者感而有作

柰苑清靈處蕭蕭正影翻誰將駟白馬久棄給孤園伏櫪  
思千里披圖異大宛田方今已逝翹足更何言

駟馬白腹也

除夜二首

布帽優遊態家園作隱居插花當戶亂篝火隔簾虛湖海  
寒聲近形骸春興初從來與世拙此夜亦蕭疎

一室壺觴致鄰牆爆竹聲  
焚香薰劍佩設火亂欃槍  
遠水停舟楫孤城隱旆旌  
椒花頌不獻愁殺魯諸生

元日 二首

四海澄何日寒門拜此辰  
霜消鴛瓦白梅映鶡冠  
新醜酒虔三始行盤獻五辛  
城頭邊塞鼓惆悵百年春  
蕩蕩風吹戶星星髮被鬢  
酒香知汎柏花豔自開梅  
寒日南山麗晴江北郭迴  
寥寥楊子宅四顧興難裁

張杉爲賈江上

相送一維舟茫茫天際愁  
筆門貧乳燕蘭棹汎浮鷗  
莫價口無二通闔僧與謀  
江山風日麗何地不夷猶

謙齋詩集

卷四

十七

聞來十三美畱滯武昌賣字求活遙有此寄

樓登黃鶴久畱滯共何人  
嗜酒歌如哭臨池賣愈貧  
釜鷺憐范冉尺牘惜陳遵  
江上逢漁父蘆碕亟問津

表弟李達四表

昔舅氏究心元學故有傳家句

四十茲辰是吾年共爾年  
丹楓晴日候旅雁彩雲邊  
同社柴桑酒傳家勾漏仙  
少時歸外氏廿載憶隨肩

葛嶺西淨室

西湖何處好葛嶺清心魂  
春水芙蓉艦禪燈薜荔門  
深堂貯香氣幽谷眺花根  
曲徑投孤跡寥寥無一言

法相寺

寺內有種石軒

法相南山寺瀟瀟一徑斜有軒皆種石無竹不啼鴉旛動  
燈前酒香飄屋角花臨風憶慧遠吟嘯未還家

同我平南士上南高峰路傍小菴曰綠蘿

得藍字

嵯峨峰易上杳窳意難探一徑藤蘿接山房雲雨含泉聲  
隨曲磻帆影落平潭曉起乘幽興知予罷采藍

其二

得青字

春遊嘗汗漫落落一孤亭帆轉晴江練雲低隔塢青花翻  
夜露溼鳥喚曉窗醒芒履敲危道僧房愈靖冥

天池洞

嶄絕天池洞崎嶇不敢跳傾崖全渡鳥峭壁半茨苗葉滿

謙齋詩集

卷四

六

山村寺波迴海岸潮空青無剎建攬勝覺茲遙

楊梅塢禪室

野塢象空王蓮宮天竺旁撞鐘獅岫應洗鉢乳泉香竹葉  
風搖翠松花日映黃遙聞隔谷梵愈覺此茫茫

新菴禪室

聞道新菴好茲來亦暫遊嶽崑層裊裊松竹澹幽幽池小  
引泉細衣單滴露浮誰能臨勝地一顧不淹留

九日

九日登臨興茱萸佩帶間百年驚節序萬里望河關落日  
雲中樹西風江上山遲回戎馬際把酒淚潺湲

望海樓

干戈十載憂把臂此登樓人道澄江好儂懷落日愁吳山  
千嶂疊渤海一帆流滿目烟波逝茫茫白雁秋

西溪歸大霧渡江

幽幽長作計渺渺不勝情曉霧寒江白春潮積草橫望迷  
鼓棹疾風細掛帆平心憶西溪路花香十里程

贈徐二芳馨

憐君不得志擊筑在蒿萊二月花千里三年酒一杯鶴啼  
元度塔雲起子陵臺縹緲巴渝唱何當江岸迴

螺峰寺

謙齋詩集

卷四

十九

棹入螺峯寺冷泠波徑斜孤雲滄海嶠落日碧山涯畫棟  
啼靈鳥金繩俯覺花何須聽梵唱滿目盡桑麻

宿城山地震有聲因早起望江

搖搖曾有狀殷殷是何聲湖海蕭條色風塵黯淡情江雲  
三折水壟樹一孤城不盡徬徨意臨高涕泗橫

寄懷鄭素來宛溪

二首

走馬思逃澤聞雞已入關隱身藏複壁搖卦賣人間謝朓  
吟何處雙溪住幾灣相思情不盡蒼翠敬亭山

名姓一朝變歸奔萬里遐爲傭作朱子御輒到朱家坐聽  
北流雨遊看牛渚花莫驚邊塞月又到宛陵涯

望遠曲 二首

拭涕出橫塘含愁返洞房  
吹風環佩動裊露杜蘅香  
鏡裏添眉短窗前約帶長  
離情不自敘佇立幾迴腸

蘭室玉爲堂盈盈紅粉妝  
機中織綺紵門左顧鴛鴦  
倚檻含情遠停梭吐怨長  
單衫頻自斂萬里永相望

雨雲曲

白草徧平沙寒風雪作花  
關山雖設險將士未還家  
走馬旗皆裂潛軍鼓不搗  
疆場爭戰死魂魄乃堪誇

雨淋鈴

蜀路不堪行君王竟遠征  
關山雲雨况宗社甲兵情  
板閣

謙齋詩集

卷四

三

搖鈴鐸天風捲旆旌西遊一鳥道  
云至錦官城

中秋雨晴枚臣昌其過訪畱飲因懷南士

入暮畱詞客瀟瀟雨過城  
吹風雲易散搖水月增明  
淥酒荒臺醉幽香古樹生  
美人江露隔騁望不勝情

大庵夜雪

野逸久飄零僧房靜杳冥  
寒燈深夜滅大雪隔窗聽  
老去重衣薄昨來雙樹青  
稽山應白滿乘興一揚舲

劍

壯士惟孤劍雄懷不可羣  
西風江浩浩落日草紛紛  
錦樹棲烏鵲晴空裊白雲  
夜間牛斗氣應復動星文

蕩婦

蕩婦那無怨青樓自抱疴衫裁袖宜窄裙摺欄偏多腰弱  
眞如柳鞦香似入荷關山春夢裏昨夜森江波

黃媛介偕夫入越

鴛水黃皆令偕夫入會稽丹青新禹廟荷芰亂耶溪墨冶  
倪林畫詩符徐淑題最憐搔垢手把案與齊眉

健庵附註王漁洋池北偶談秀水閻秀黃媛字皆  
令負詩名數十年兼工繪山水木石歸於楊氏

采菡

鱸魚繪水鄉雜客動歸腸一夜秋風起滿湖蕪菜香布帆  
飛裊裊花嶼鬱蒼蒼小摘隨人意幽棲好不忘

謙齋詩集

卷四

五

中元蘭若河燈

重閣設花旛吹螺法界喧清江燈照水古榭月臨門山鬼  
女蘿佩國殤刀箭痕滔滔梵唄轉燐火盡招魂

同鄒元檄張杉山行

烟草晴迷徑風香煖近衣鳥從谷底喚花繞路俯飛笠棹  
迴江浦樵歌隱翠微干戈有恆願相顧在漁磯

生辰

細雨著疏籬冷泠酒一卮數看花柳豔頻覺歲年移鼓枕  
絺帷破應門藜杖遲江湖幾隱者寥落更相思

飛星

薄暮愁相向西風人跡稀天星大如椀冉冉渡江飛海水  
秋聽壯吳山夕望微十年戎馬地回首一沾衣

同諸子入梅市訪祁奕喜

汎汎南塘路孤舟俯水隄雲山梅里近風樹沅江低烈宿  
川原近燈花臺榭迷相逢日已暝寂寂手重攜

寄蕭鍊師

十洲吾不到采藥只牆東未得淮南術因思問八公洞簫  
秋發響白鶴夜乘空海岸經行處披衣幾御風

鍾庵附註毛西河徐伯調墓志云蕭鍊師者長年人也  
從衡嶽來止梅市伯調嘗與同坐自喉鼻以下若海潮  
汝湏洞有聲其骨節搖處珊瑚然又信志堂集云蕭時  
年一百四十歲○唐六典云道士德高思精謂之鍊師

謙齋詩集

卷四

送王十四全高之南都省侍

時流寇入安徽

送子入王畿春帆一片飛秦淮俱鯉膾牛首映萊衣京邑  
龍蟠固園陵豕突非長江襟帶外隔望侍親闈

雲士附註明史紀事崇禎十五年張獻忠連陷亳州  
舒城六安廬州府無爲州桐城廬江等處屠戮一空

遠遊

何人好遠遊逸興滿滄洲五岳分方立三江入海流客身  
曾有願嫁女未能休故國憑軒外蒼茫白髮愁

聞砧

縫衣何日了擣練此宵勤一片闈中月萬重塞上雲緘書  
原涕淚帶甲復功勳柔櫓寒江客清砧處處聞

得王三雅禮白下札云有三楚之行貧儒道路未免  
飢寒三楚迢遙相見無日聊爲寄此

與君不相見錦字數行傳久客途多畏長貧衣撒懸潮迴  
揚子岸烏隱白門前一棹瀟湘遠秋雲何處邊

酒後同王勉郊行

酒人與同老攜手出城東碧澗乘春發紅桃向日榮長卿  
方慢世元亮欲閒情日覺狂因酒愁懷那復生

天衣寺

二首○以梁昭明太子  
賜衣得名今復有賜

幽谷舊香臺山花繞殿開迴看青嶂合復有賜衣來澗水  
添春雨松風雜晚雷金繩辟荔靜應不起塵埃

謙齋詩集

卷四

三

寂寂采山薇空王駐翠微風輕花自落雨散鳥還飛松竹  
香廚飲雲羅古殿衣舊遊情不減春色灑餘輝

七月雨晴湘湖卽事

桂棹視茫茫江湖興甚長西風吹野徑落日轉晴光水上  
雲霞斂舟間荷菱香生平宴樂少半醉已徜徉

夜雪

渺渺日云暮孤居興自單鳴風吹宋玉大雪臥袁安皎色  
縈窗近春華繞屋寒簾間窺碧瓦一夜白漫漫

靈隱寺

規模壯天下寶殿映山齊夜月環窗小朝雲出拱低微言

聞幽鍵祖印負高提迦葉拈花笑能令千載迷

白葡萄

昔荷風應滿蒲桃蔓最輕何來顏似玉遂覺味如飴異域  
張騫使閒居潘岳情更誰釀作酒洗竽醉淵明

夜望

寒夜望何如蟲聲響徹廬欲交天下士頻發篋中書山月  
冰輪滿江鴻元影疎不勝懷古意寂寂倚門闕

夜坐獨飲聞烏呼

年衰趣轉新把酒對荆榛夜靜風搖鐸天寒月照人無家  
依埠垠有烏伴松筠似樂劉伶醉狂歌答四鄰

謙齋詩集

卷四

十四

入邨家

春盡全無力孤行也杖藜蠶眠原上葉穀浸路傍溪塋鶩  
驅風疾江虹散雨低邨家疑客到頻起逐鳴雞

遙送周二之道遊燕別後有作

二首○時同胡侍御北行故有驄馬句

驄馬並聯蹄翻碧草鮮揚鞭過魏博高唱入幽燕骨買  
駿無價寒吹律有烟遙知得意處麗賦滿甘泉

別恨久彌新君行送未親和風迴塞暖芳樹滿江春擊筑  
歌燕市提漿賣棘津薊邨如有作莫忘芰荷紉

灌園四首

荒園鄰屋近人許借吾鋤七月烹葵畢三春翦韭初何須

蓄菜合曾讀老農書  
衰齒蔬宜軟何辭此拮据  
扶杖居難遠吾家寄一廛  
紫茄蒔蘊暑白薤拔霜天帶雨  
啣花燕臨風曳緒蟬  
家貧串粗噉葵藿興悠然

激水繞園滋嘉蔬種及時  
峽中求桂髓汶下覓蹲鴟  
被壟瓜消渴搖勝芋療飢  
兼之炊赤米淥酒酌盈厄

食蛤廿七種庾臬豈云貧  
自是懷薑韭非關重隱淪  
春風播莧早夜露摘菘新  
莫以畦疇茂侈談太古人

出塞

風吹戰馬鳴馬上鐵衣輕  
沙漠嚴刁斗關山轉旆旌  
射鵬飛渡磧種柳繞城營  
獨問封狼役誰從驃騎行

謙齋詩集

卷四

五

隴西行

阪水流離處鳴聲漉漉聞  
飛沙迷白日絕塞盡黃雲  
束髮曾經戰還鄉未立勳  
隴西舊家世人識李將軍

日食

日月猶相食乾坤未可平  
官亭傳鼓發江路暝星明  
西北山爲險東南水作城  
漢高提一旅萬里盡橫行

奉老母入橫山桃源鄉依伯母舅氏

二首

干戈漸已逼奔走欲何親  
一自桃源入儵然稱避秦  
荷花擧浩渺芝草采嶙峋  
獨釣江潭下應非魏晉人

消息傳頻急投入但草萊  
緋桃垂處入花犬吠邊迴伯舅

年方少慈親思轉哀君平卜身世此地有樓臺

兵起二首

國破人心亂英雄起是時田儋奴縛後項藉守誅之曉日  
揮螭劍薰風滿豹旗一呼師百萬義始大江湄  
處處增軍壘家家草檄文邊笳江上月楚練嶺頭雲殺氣  
孤城近南風五校薰中宵應北走幕上烏烏聞

健蕃附註順治二年六月大兵克杭州路王降紹興  
府知府于穎避入雲門山通判張棟迎于穎歸穎前所募  
之兵二千各集蕭山鄉官來方輝來集之亦以衆至穎

乃西徇蕭山執新知縣陳瀛及貝勒之使閏六月十三  
日鳴鼓誓衆于都亭畫江而守其時兵備僉事孫嘉績  
給事中熊汝霖起兵餘姚兵部尚書張國維起兵東陽  
員外郎錢肅樂起兵寧波兵部侍郎朱大典起兵金華

謙齋詩集

卷四

三六

兵備僉事沈宸荃起兵慈谿共迎魯王稱監國于紹興  
於是總兵王之仁自定海至參將張名振自石浦至總  
兵方國安自金華至聲勢張皇

送王菽廬入戎幕

鬪艦大江秋楓林滿目愁弩窗開汎汎鳥羽析悠悠墨翟  
徒縈帶弦高未犒牛蓮花水上幕君去好爲謀

自橫山歸居湘湖之社二首

賤貧身易隱何必去吾鄉劫運干戈擾荒邛荔薜香西風  
吹越嶠秋氣滿錢唐寂寂茅簷下何心尚激昂  
隱者身恆逸湖山不可等釣魚非欲賣飲酒自成吟夜月  
蘭舟入秋天楓樹深隔隄江折處浩渺空人心

歲暮

迢遞衣冠久參差戰伐新烟花驚歲暮龍虎接江津旌旆  
途何向風波事有神樓船諸將在努力畫麒麟

送翁十五德洪赴金華戎幕

列幕滿江浮行行到婺州散金招義旅跨馬有同仇地勢  
盤溪洞天星共女牛安危原一體莫更異為謀

健菴附註魯監國使朱大典以大學士鎮守金華散家  
財募士部將吳邦璿何武等皆雄健多智及大典定  
紹興降臣阮大鍼方國安導之攻金華大典固守三月  
闔城無一叛者大典失利乃早夜濟師守者疲城遂  
破大典命發火藥與邦璿等自焚死全家俱殉金華城  
中民死者亦十之九按翁德洪此時在戎幕或遭其難  
故下有  
詩哭之

謙齋詩集

卷四

七

居湘湖泚有廬近飲溪側鄰居見者羣起爭逐攜童

子挺而踏之因割鮮同鄰人飲酒

充庖何自至倚足遂成禽以此烹鮮意遙懷逐鹿心水烟

籠日遠巖翠接雲深縱飲湖山友舒愁醉作吟

送人從戎

應募投行伍功名勉自為旌旗巨鼉極舟楫起魚麗樂戰

王師勇從戎壯士規向來龍塞志吹角滿江湄

遊芝塘湖二首

揚舳何處好裊裊碧湖潯絕磡居成聚隔江馬繫林採蘭  
隨岫遠牽犢入雲深把酒干戈裏愁心正不禁

青山到處好况復豔陽天  
俯澗茅垂屋一湖波泛船  
星中射飛鷺花下聽流泉  
夙昔懷幽趣囊空祇自憐

春感 四首

南國干戈起會稽天下強  
揚旌翻海岸吹角繞城隍  
久見船如馬何來荻作牆  
兵交不得解悵悵水中央  
軍中搜稼穡叱隸共攀躋  
入野街彈毀看山射的迷  
吳江波浩浩越甸草萋萋  
隔望錢唐岸愁心落日低  
四海紛戎馬三吳急羽書  
處堂鬪乳虎行陣騰文魚  
鼙鼓沿江震旂旛夾岸居  
引車遙避匿誰是藺相如  
蒼兕官俱貴黃頭枕有神  
朝廷方尚武輿隸盡垂紳  
羽騎

謙齋詩集

卷四

五

射雕手關河飲馬津  
長纓誰報主吾欲避風塵

健菴附註春感者感丙戌春之時事也按魯王於乙酉夏稱監國列兵錢塘江岸畫地戍守方國安兵最多守七條沙王之仁守西與于穎守漁浦劉穆守潭頭鄭海謙守小壘孫嘉績朱汝霖陳潛夫錢肅梁等分守禦海以張國維爲大學士督師江上駐長河頭秋國維督諸軍復富陽於潛熊汝霖入海寧聯絡三吳諸起兵者軍勢頗振冬十月諸軍屢渡江與大兵戰互有勝負至草橋門敗還遂台田賦食尚足錢熊孫等所統爲義兵爲正兵支寧紹台田賦食尚足錢熊孫等所統爲義兵資富室助餉恆乏食十一月王拜方國安爲統帥節制諸營軍政益壞不能復振至丙戌春國安遣遙江上且有二心與義兵爲仇兵各有潰志識者料其必敗

太白 二首

太白爭明出熒熒  
畫在天柳營增竈數  
葦席備江堅發矢  
知劉曜登壇孰謝元  
錢唐十里渡特起久防邊

執爰驅不遙大纛日飄飄晝使晨星見晴看水漲消軍中  
聞射札市上有吹簫曠騎方充斥何爲欲動搖

幽燕

幽燕殿嶙峋關山設險巡前年攻突厥今歲戰黃巾旌旆  
人皆怯征輸國已貧久安文武氣痛殺翠華春

新亭

新亭淚未收北望舊神州歌舞秦淮水篋篋江總樓羊車  
迷復道錦隊擁通侯十萬吹脣騎長驅渡石頭

健菴附註新亭詠宏光時事也東晉王導與諸名士宴  
于新亭北望神州相顧流涕福王偏據南京與東晉相  
似故以爲題歌舞秦淮水言福王荒于酒色屢選淑女  
甚至以梨園少佳嫵然不樂也篋篋江總樓言福王信

謙齋詩集

卷四

元

任馬士英政以賄成暴斂日甚及阮大鍼掌兵部白丁  
隸役輸重賂亦立躋大帥也羊車迷復道言王迷于色  
不理朝政也錦隊擁通侯句言邊將高傑劉澤清左良  
玉輩高爵厚餉擁兵跋扈也十萬二句言我朝大兵  
已定山東河南于乙酉四月克揚州五月渡江定南京福王出奔也

櫂槍

櫂槍浙水初社稷竟何如幽障烟光滅平原幟影疏吟笳  
馳駱鐵磔犬掛門閭萬里江山險哀哀淚滿裾

江東

四海亂縱橫江東日戰爭高旗拳蕩騎靈鼓震沙城春酒  
姬爲舞秋振士不耕幅員方幾里防禦恨難平

南郊亭子見驅馬數萬匹雪中北歸

孤亭俯大荒驅馬走洋洋冰雪三年恨關山一道長折蘆  
吹朔氣寒旆轉晴光不盡西臺淚飄飄灑數行

重遊芝塘湖二首

浩浩遊遨興因春入埜塘山圍雲易擾水靜雁成行遲日  
冰霜解東風榆柳香把杯看礪壑亂後轉淒涼

高隱生平志重來此地尋湖山攢散髮雲日靜彈琴屋向  
林隈聚泉從谷口深巢由不用賣到處有歸心

送人之襄陽二首

故里拂衣好天涯非所言忽於祖君道遙播遠遊魂逸興  
吟梁甫幽懷寄鹿門東風帆日遠送爾上襄樊

謙齋詩集 卷四

三

高臥論今古君言俗不齊爲詢大隄女能唱古銅鞮酌酒  
春江別張燈夜望迷如何羊叔子碑碣見皆啼

慰沈七禹錫病

消渴已成疾觀濤未有心拳旗三載久臥蓐七年深遠岸  
蘆花放平湖鶯影沈悲秋如淚落江上有鳴琴

石菖蒲

獨處愁難度仙人下亦鄉山中蒼竹杖礪側紫昌陽桂樹  
攀爲操荷花集作裳幾年頻採食九節問軒皇

哭翁織若二首

相望不可見相思涕泣漣營空旗曳影竈滅日含烟蘿帶

懸金僕文狸被錦鞵義公今已刼魂魄幾時還

釣弋真吾事于戈豈爾能邊笳吟夜帳野血散秋燈函丈人頤解臨池曲藝興滄江回首處禍亂莽相仍

石梯何日敗可惜不將牢鼓竭軍中氣人吹劍上毛題詩

山鬱律把酒意蕭騷畫角臨風動哀哉組練袍

健巷附註蕭山縣志翁德洪字纖若崇禎壬午以歲貢從軍甲申闖賊陷京師德洪及子虎臣戰死又毛太史

越詩選注稱翁德洪蕭山人闖門死義又公遺編稱翁

織呼書繼二王文嗣史漢上有送翁德洪赴金華戎幕詩

鳴首言列幕滿江浮則正當乙酉丙戌江上防禦之際

去闖賊陷京師已隔兩年德洪安得死京師哉蓋繼若

在朱大典幕抗大兵戰死金華而後人訛為京師縣

志因而載之耳至合門死義則陶貞白越殉節傳稱蕭

山翁氏二女長年十六字汪次年十四未字丙戌六月

謙齋詩集卷四

被掠至朱聖橋並赴水死蓋父子死金華家屬死本邑故曰合門也又按是時同邑丁大聲有仲冬十日哭翁詩十五德洪血肉漉草木

哭沈祇先四首

撒瑟將焉往秋風動布帷草元徒自困歌頌復誰知織屨

畱慈母擔薪痛稚兒幽魂招不返升屋影淒其

初聞時抱痛不謂便多迤為學嘗勤思惟貧亦殺身風霜

吾未老人鬼子俱鄰抗手重泉路相看淚滿巾

漂零野步遲出入顧肩隨霜日懸江樹風花落澗涯吹篴

行土圃把酒對山茨夙昔遊成伴今為長別離

題詩不屬和始覺子非人終日悲親友斯賢復鬼神史丹

狂儻蕩莊烏病酸辛一臥不能起滄江家更貧

槐樹

嘉樹清池側西風繫舫初烟雲鬱映藹雨露暢扶疏古寺  
荒元度晴潮急伍胥江城白日暮遊者竟何如

夕

向夕臨流立清漪宛轉間垂楊不接地落日已銜山擊水  
漂聲急擔薪樵侶還晚雲隨日映極望正爛斑

消息

消息傳疑信干戈競弱強遠音憑一紙久戰着中腸吳市  
吹簫客淮陰垂釣王江湖搖落後倚樹獨徬徨

謙齋詩集

卷四

三

題友人小樓

其人遊燕趙齊魯間十餘年今始得歸  
買屋與飲和為鄰因飲和以索余題

豈有不得意來歸學隱淪自遊天下久愈愛故鄉貧月影  
窗移夜雞聲市接晨通闌幽絕意為買子真鄰

嫁女喜詩

三首

生女及笄日于歸固所望但前辭父母此去順尊章曉起  
施鞶裘花前羃酒漿結縭情可喜亦復淚承眶

燈燭何曾滅悠悠想別離自憐生盡女益願德過兒莫雁  
輪三轉施衿悅十儀臨行一杯酒懷思動江蘼

如影何須賞懸蘿一與齊酌匏看舉案結佩聽鳴雞有語  
吾難誦臨危汝莫迷青楓嶺上婦近在好相稽

地震

地厚雖能震天高詎有知江山貧賤子戈甲亂離兒擊柝  
傳城警吹燈照夜思中原誰躍馬長爲繞旌旗

春望

寂寞江潭路孤舟獨望中傾崖雲氣細仄岸浪花空駝馬  
鷓鴣亂旌旗草樹紅臨流思理檝誰與古人同

送王彥

五首○時避仇夜  
出家不知所往

知君愁正劇拂袖向吳門賣餅人何姓吹簾聲愈喧書探  
林屋洞詩詠辟疆園地主真高誼深堂結弟兄

夜出晝不返秋風楚甸開帆移淮海棹酒挹射陽杯張儉

謙齋詩集

卷四

三

望門入韓王伏袴回載歌天馬曲淚落暗盈顙

憐君不識路梁苑至如何半醉愁應散伴狂怨愈多淒風  
搖良嶽落日滿黃河若遇奪門監無能擊筑歌

舊友惟張子投身古解梁黃河葦一渡白幘淚千行虞坂  
悲騏足襄陽醉鶴觴異鄉逢故舊執手愈徬徨

北遊不得志張席更南遊小鳥徒填海亡人已釋仇湓城  
歌夜月彭蠡逐寒鷗青綬如相識題詩滿郡樓

送徐九芳烈北遊

二首○徐爲陳都統西席在浙時  
延以課子都統臨沒執手要言故

徐不得辭  
袴褶北往

聞君遊河北知以師道尊花飛伍員廟經授薊邛門塞馬

風沙遠儒衣荷芰翻故人臨永訣執手有遺言  
絳帳傳經久蘭橈肄業初爾資函丈問我失盍簪居銜轡  
羣調馬綸竿獨釣魚贈言何以別垂老早旋車  
蔣斐欲移居做邑相就遲而不至賦詩三章

攀君何處住擇里固須仁聞古張融宅嘗爲陸曉鄰金泉  
傳邑徧桂樹拂絃新自顧慚無德同君泛白蘋  
相愛故相就深懷不敢忘免置親馬牧牛僮訪東牆寒雪  
山中潔春花霞外長何當鳩作杖鶴髮共翱翔  
遲君久不至愁思滿門閭麥壟看飛雉萍池學種魚酒間  
三尺劍燈下五車書疑義非難析雄懷固有餘

謙齋詩集

卷四

三十四

許郊移居

二首○許郊字園升

移居不出里元度最超超山接青連屋園鄰白映橋載書  
迴轂近聞佩待門遙杳杳東城下知爲郢曲招

抱甕同牽井攜燈共照人聖牕新作戶接屋舊稱鄰岸柳  
低城板涯花覆市津葛洪雖僻處萬姓盡相詢

健菴附註許詢字元度父岐從晉元帝渡江遷會稽內史因居焉詢隱居不仕築室永興西山蕭然自放乃號其岫曰蕭然山後入剡莫知所止或以爲昇仙劉尹云清風朗月輒思元度

東臯

岸幘吾安往東臯二月時村烟花氣暖山霧日光遲鵝舫  
緣江聚蝥弧登堞麾兵戈情性怯腸斷冶遊兒

花林

日照羅幃暖花林二月深自憐逸興杳忽已鬢毛侵圖史  
千年事關河百戰心英賢運稀濶遙對一沉吟

宛宛

宛宛津城柳汨汨海岸沙乾坤此原野時序又江花叔夜  
長爲鍛龍門誰御車春風吾有興迤邐一咨嗟

雲棲寺

幽塢彩雲棲孤舟破浪西蔽龕麝鹿隱葦徑竹松齊默坐  
心翻幻羣游趣不迷相看蕭爽處魚梵滿林溪

春曉獨眠

謙齋詩集

卷四

三五

蕭疏接四鄰多病在芳辰草閣吹風入羅幃引夢頻美花  
潛發夜好鳥自鳴春厯厯松筠曉長眠江海人

邀飲田家有作

二首

田家秋黍熟釀酒注杯黃隔壟雞飛短沿隄柏落香繁蔬  
甘薯蕷漑釜鱸鱖高臥山鄉日狂歌復水鄉  
野翁邀舊識邨酒愛新筍僻性耽山水相呼任馬牛登椒  
雲藉履觀海蜃成樓鄉土淳堪伍何須賦遠遊

秋夜

秋氣來何處蒼苔夜不分明星當戶迴落葉隔庭聞兵燹  
聞人累江湖野客羣菱荷無異志應免北山文

送李日曜入燕追送其父出塞

爾父投何所漂流不忍聞  
芒蒿冰上月鞍馬塞傍雲  
旅食餐魚少行車溫席勤  
遙知腸斷處骨肉兩離分

春閨

黼帳夜翩翩春風憶去年  
揚旌芳草路攜手綠楊天  
雙影應難聚單心轉自憐  
遙知行負劍飲馬獨流泉

晚照

風葦吹枝白霜林化葉丹  
晴雲穿日杲晚照落江寒  
柁櫂飢頻採干戈體幸完  
丈夫謀不誤莫畏路行難

寒江

謙齋詩集

卷四

三

寒江流浩浩顧影醉頻呼  
猿嘯山相荅帆張水倒扶  
楓丹重隱岫潮白逆驅鳧  
一上巖公瀨披裘憶釣徒

經張十六茂方舊館

二首

茅屋兩三楹寒裳不敢行  
望因秋水阻到使暮禽驚  
琴曲嗟桑扈山河邈步兵  
發言心莫逆夙昔有推誠  
逝友不可見秋風滿故廬  
瑤琴彈自許玉樹倚難圖  
遊目尋遺跡應門擬舊趨  
異途悲隙駟回望淚如珠

守賤

四首

黔賢守賤日漢閩掘菟年  
酒蕢徒多債饑驅不敢前  
鄉增杖六十借異困三千  
遙憶生魚釜愁心轉自煎

昨歲田生魃今年民作魚雨淫蟲害稼潦甚氣傷蔬東壁  
懸鶉久西江激鮒虛弦歌環堵者巷狹已辭車

凶年帶索士離俗飯榆人樞牖臨江側蒲羸就海濱割薪  
逢鹿友鼓棹逐波臣饒室編蓬滿悠哉此賤貧

楊子逐貧久貧亦朗然辭朝離武擔去夕顧首陽之不任  
操琴哭何嫌懸釜炊淋淋窮巷雨千古契相知

錄詩集有感因示李昇王壇

已識雕蟲賤其如野興長吹燈看魍魎對鏡舞鸞鳳古事  
徵難盡名山杳未藏百年歌自度顧爾日徬徨

壽金母

有序

謙齋詩集

卷四

三

母東粵之雷人吾越金翁賈於雷因娶爲婦已而  
賈歸越遭亂相隔數十年婦不他適今又復相聚  
年已七十矣金與南士有婣屬予題此

寇準祠前荔若耶溪畔蓮烽迷疑染泪音斷竟誰憐引領  
今同室飛蓬昔各天好斟百末酒頻勸古稀年

張五杉之汝寧過予別而予以田事在浦陽江北岸  
不值去作此寄送

君到汝陽去我來浦北耕相過不相值深情相望生日寒  
圭影遠水澗候潮平鞍馬蕭蕭路梅花伴客程

江樓聞笛

俯檻浩茫茫江流抱岸長何人夜吹笛白月照衣涼馬援  
征多毒荆卿送盡傷變聲流微處絕續斷人腸

爲農

久蓄爲農志何人親草萊寒鳧汨浪遠斷柳帶風迴迎虎  
田無穫懸鵝衣易開清歌詠貧士歲計可悲哀

荅徐體仁

昔歲曾遺鯉今春作報章鶯聲花外轉柳葉水邊長江月  
開書幌山雲溼荔裳故人題有字耿耿不能忘

雲土附註徐體仁字德俊號容齋蕭山諸生著聚英  
堂詩錄及北行詩草按德俊是芳烈芳聲之子姪

高人

謙齋詩集

卷四

天

高人五柳宅獨榻涉難思野曠禾橫畝水清花隔涯閒雲  
秋出遠飛鳥暮歸遲莫悵西風急蕭條不自持

雪夜舉酒因誦翁德洪王全高包秉德遺詩二首

貧居寒氣結微飲不成醺庭舞蕭蕭樹天垂莽莽雲燈吹  
簾隙亂雪灑草根聞儷句誰爲和高吟憶故羣

對酒傾劉阮吟詩憶鳳莊剡船眞興盡喬跡總神傷隱几  
黑貂敝窺簾白鷺翔故人今不見編曲淚千行

謙齋詩集卷四終

